

傅氏眼科審視瑤函

傅氏眼科審視瑤函方類

卷之四目錄

實熱生瘡症

加味四物湯
芎歸湯
搽藥二方

椒瘡症

歸芍紅花散

粟瘡症

除風清脾飲

胞生痰核症

防風散結湯
清胃湯

木疔症

羚羊角飲子 平肝清火湯

火疔症

洗心散

土疔症

清脾散 敷藥方

金疔症

瀉肺湯

水疔症

調毒飲

大背漏症

燥濕湯
五花丸

小背漏症

瀉濕湯
白薇丸

陰漏症

黃芪湯

陽漏症

保光散
補漏生肌散
小牛黃丸

倒睫拳毛症

石膏羌活散
流氣飲
緊皮膏
五灰膏

起睫膏 夾眼法

皮急緊小症

神効黃芪湯 東垣撥雲湯

胞翻粘瞼症

排風散 龍膽丸

胞輪振跳症

當歸活血飲

胞虛如毬症

調脾清毒飲

兼胎症

保胎清火湯 簡易知母飲 天門冬飲子

芎蘇散 消風散 天冬飲子

爲產症

熟地黄湯 四物補肝散 四製香附丸

濁害清和症

穀精艸湯 退翳散 望月丸 疎風湯

通竅散 胎兔丸 清解散 補元散

加味地黄丸 退雲散 固本犀角湯

附治小兒癰疹疔傷并暴赤疼痛翳膜諸方

消疔退雲飲 九味蘆薈丸 生熟地黄丸

鷄肝散 龍膽蘆薈丸 消疔散 天麻丸

寶鑑彙雀目疔眼法 升麻乾葛湯 車前子散

養肝丸 通頂散

轉轆轉關症

鈎藤飲子

雙目睛通症

牛黃丸

附小兒目閉不開睛目直視目仰視目睛動目割

諸症驗方

碧霞丹
四味肥兒丸

九龍控涎散
柴胡清肝飲

終 人參湯 生地黄散 瀉青丸 和太師牛黃丸

傅氏眼科濟視瑤函卷之四

秣陵傅仁宇允科纂輯

增張文凱廷獻叅閱

廣陵林長生聲震較補

男傅維藩國棟編集

甥張秀徵珩訂正

公猷 掄

大梁周靖公亮節較梓

體仁 頤 全次

運氣原證

按內經運氣目背瘍有二。一曰熱經云少陰司天之政三之氣大火行寒氣助至民病目赤背瘍治以寒劑是也。二曰燥經云歲金太過民病目赤背瘍又云陽明司天燥淫所勝民病目昧背瘍治以溫劑是也。

目瘍

內經曰諸痛者瘡瘍皆屬心火。火鬱內發。致有斯疾。蓋心主血而血熱生風。甚則通相傳。襲故火

能生土。血注陽明。則肌肉風熱。與血熱相搏。發見皮膚。其名不一。有黃濃而白者。土生金。母歸子也。始生微癢。而熱輕。腫痛。爛為熱極。血凝化水。氣滯成膿。甚至寒熱作。而飲食減。尤為慮。宜宜泄風毒。益火解胃熱。按目瘡瘍。皆因君火司食。燥火熱邪所致。宜溫宜涼。隨症施治。可也。

實熱生瘡症

實熱生瘡。瘡生各有經。消如湯。樣注。澀急。且羞明。脾或
弦多潰。胞中椒。葉成瘡。生於背上。心火熾。盈盈。臉外。脾家
燥唇邊。亦土形。肺熱形於鼻。週身旺六經。耳熱知腎。燥滿
面六陽。蒸三焦。炎項上下部。六陰乘火。治應須變。傷睛目
欠明

此症謂目病生瘡之故輕重不等痛癢不同重則有堆積高厚紫血膿爛而腥臭者乃氣血不和火實之邪血分之熱尤重如瘀滯之症膏混水濁每每流於脾背成瘡瘀血散而瘡自除勤勞濕熱之人每患脾背成瘡別無痛腫症者亦輕而無妨若火盛瘡生惟重滯腫痛者又當急治恐濁氣滯於目內而病及於珠若先目病後生瘡必是熱沿他症凡見瘡生當驗部分以別內因何源而來隨其輕重而治之宜服

加減四物湯

生地黃

苦參

蘇薄荷

川芎

黍粘子

連翹

天花粉 防風 赤芍藥 當歸 荆芥穗各等分

右剉劑白水二鍾煎至八分食後服

芎歸湯

川芎 當歸 赤芍藥 防風 羌活各等分

右剉劑白水二鍾煎至八分去滓頻洗即血活風去

搽藥方治眼皮外滿臉生瘡潰爛疼痛

血竭 乳香 沒藥 輕粉 佗僧各等分

右研爲細末摻於瘡處。

支方治眼胞上不成膿生瘡破流黃水陰閉者

青黛一錢 黃栢末二錢 潮腦 輕粉各一錢 松香一錢

書有捲藥在內蘸油濕透燒灰俟油灰

滴於茶鍾內煎搽

椒瘡症

血滯脾家火胞上起熱瘡泪多並赤腫沙擦最難醫或疼
兼又癢甚不便開張可惡惡頑者全憑出血良自晴惟仗
血血損目無光輕時須善逐太重腫必傷胞內紅癢癢風
熱是椒瘡

此症生於胞內紅而堅者是日間沙擦難開多泪而痛
人皆稱粟瘡慢矣夫粟瘡亦生在胞但色黃軟不易散
此症雖堅却易散俗皆以龍鬚燈心等物出血取效殊

不知日以血爲榮，血損而光華有衰弱之患，輕者只宜善治，至於癩癧連片，跣路高低不平，及血瘀滯者，不得已而導之，中病卽止，不可太過，過則血損，恐傷真水，難養神膏，大槩用平治之法，退而復來，乃內有瘀滯，方可量病漸導，若初治不可輕爲開導，孟浪恐有損也，不如謹始爲妙，宜服。

歸芍紅花散

治眼腫痛，內生疔，淋。

當歸

大黃

梔子仁

黃芩

紅花

以上俱酒洗，微炒。

赤芍藥

甘草

白芷

防風

生地黃

連翹

分

右爲末，每服三錢，食鹽白水煎服。

粟瘡症

脾經多濕熱氣滯血行遲粟瘡胞內起粒粒似金珠細顯似膿來却軟散風清熱早醫治

此症生於兩胞之內細類黃而軟者是今人皆稱椒瘡爲粟瘡者誤矣夫椒瘡紅而堅胞必腫硬睛必沙滿症尚易治若粟瘡一見目疼頭痛者必有變症粟瘡是風熱鬱於上焦極重但以散風清熱爲主二症雖皆生于胞內屬於血分椒瘡紅堅易散粟瘡黃軟不易散故治亦不同豈可槩論哉宜服

除風清脾飲

廣陳皮 連翹 防風 知母 玄明粉 黃芩

玄參 黃連 荆芥穗 大黃 桔梗 生地各等分

右剉劑白水二鍾煎至八分去滓食遠服

疔

此疔或眼皮上下生出一小核是也乃脾胃痰氣所致上臉屬脾經下臉屬胃經若結成小核紅而自破不藥而愈若堅自不破久則如蓋如拳而成痛矣若初起小核時即先用細艾如粟米狀放患上令患目者吐目紫閉以隔蒜片灸三四壯外將膏藥貼之又用紫背天葵子揀淨二兩煮甜酒一盞半皂角子二三粒炮熱研細飲酒時搽疣上自消

胞生痰癥

是胞

痰火結滯所成皮外覺腫如豆胞內堅實

愈或有壅結爲癭甚則流膿出血治之

名不同者此火土之燥，毋向外求情，若能知劫治頃刻便
和平。

此症乃胞外皮內生，顆如豆，堅而不疼，火重於痰者，
色紅紫，乃痰因火滯而結。此生於上胞者，多屢有不治，
自愈，自恣辛辣，熱毒酒色，斲喪之人，久而變為癭，漏重
疾者，治亦不同。若初起，知劫治之法，則頃刻而平復矣。
宜服

防風散結湯

玄參錢 前胡 赤芍藥 黃芩 桔梗 土貝母

防風 蒼朮 白芷 陳皮 天花粉各八分

右剉劑白水二鍾煎至八分去滓食後熱服

清胃湯

治眼胞紅硬此陽明經積熱平昔飲酒過多而好食辛辣炙燥之味所致也

山梔仁

炒 枳殼

蘇子

各六分

石膏

川黃連

炒 陳皮

連翹

歸尾

荆芥穗

黃芩

防風

各八分

甘草

右剉劑白水二鍾煎至一鍾去滓熱服

木疔症

木疔多在風輪生碧綠青藍似豆形如是昏沉應不痛若然泪澀目多疼莫教變症侵眸子不散唾神便破睛

此症生於風輪者多其色藍綠青碧有虛實二症虛者大而昏花實者小而痛澀非比蟹睛因破而出乃自然

生出者大小不一亦有漸變而形尖長者宜服

羚羊角飲子

羚羊角

鎔細末

細辛

大黃

知母

五味子

芒硝

各一兩

防風

二兩

右剉劑以上六味各一錢防風二錢白水二鍾煎至八分去滓食遠服爲末每服二錢調服亦可

平肝清火湯

治黑睛服大虛者服

車前子

連翹

名錢

枸杞子

柴胡

夏枯草

白芍

生地黃

當歸

各錢

右爲一劑白水二鍾煎至八分去滓溫服

火疔症

火疔生如紅豆形。熱毒應知。患不輕。脾背生來。猶可緩氣。輪犯寇急。難停重。則破爛成血。漏輕時。亦有十分疼。清涼調治無疑。惑免致終身目不明。

此症生於脾胃氣輪。其在氣輪。爲害尤急。蓋火之實邪。而在金部。火剋金。鬼賊相侵。故害最急。初起如粟。瘡榴子形。顆小而圓。或帶橫長。而圓狀如豆。次後漸大。痛者多。不痛者少。不可悞認爲輪上一顆。如赤豆症。因癢積在外。易消之。且此則從內而生也。宜服

洗心散

天黃

赤芍藥

桔梗

玄參

黃連

荆芥穗

知母

防風

黃芩

當歸尾

各等分

右爲細末每服三錢食後茶清調下

土疔症

土疔之病俗號偷鍼。脾家燥熱瘀滯難行。微則自然消散。甚則由血流膿。若風熱乘虛而入。則腦脹痛而眸子俱紅。有爲漏之患。有吊收之凶。

此症謂胞上生毒也。俗號爲偷鍼。有一目生而傳兩目者。有止生一目者。有微邪不出膿血而愈者。有犯觸辛熱燥脈風沙烟火爲漏爲吊收者。有收未實因風乘虛

審視瑤函

卷之四

七

而入頭腦俱腫目亦赤痛者所病不一因其病而治之
宜服敷

清脾散

薄荷葉

升麻

甘草

減半

山梔仁

炒

赤芍藥

枳殼

黃芩

廣陳皮

藿香葉

石膏

防風

等

右爲細末每服二錢五分白水煎服

敷藥方

生南星

三錢研末

生地黃

五錢

右共搗爛爲膏貼太陽穴其腫卽消矣

金疔症

金疔起如玉粒胞生必碍睛疼沙擦澀緊翳障生若在氣輪目珠疼痛淚流惟嫌陽分最苦氣升時交陰降略清寧目小澀而堅硬

此症初起與玉粒相似至大方變出禍患生於胞內必碍珠澀痛以生障翳生於氣輪者則有珠痛淚流之苦子後午前陽分氣升之時病尤甚午後時入陰分則病略清寧久而失治遠戒觸動有變漏之患矣宜服

瀉肺湯

桑白皮

黃芩

地骨皮

知母

麥門冬

去心

桔梗

各等分

右劉劑白水二鍾煎至八分去滓食後服

水疳症

水疳眼忽一珠生或在胞中或在睛或是痛如鍼樣刺連
眶帶腦赤烘疼或然不疼形多大不散瞳神便漏時

此症生於脾胃氣輪之間者多若在風輪目必破損有
虛實大小二症實者小而痛甚虛者大而痛緩狀如黑
豆亦有橫長而圓者與水疳相似但部分稍異色亦不
同黑者屬水青綠碧藍者屬木久而失治變爲漏頭風
人每有此患風屬木肝部何以病反屬水蓋風行水動
理之自然頭風病目每傷瞳神瞳神之精膏被風火攻

蠲毒飲

衝久則火勝其精液被火擊散故隨其所傷之絡滯結
爲疔也疔因火滯火兼水化水因邪勝不爲之清潤而
反爲之濕熱相搏變爲漏矣故水疔屬腎與膽也宜服

防風

錢一

赤芍藥

川芎

連翹

甘草

牛蒡子

細研各八分

右剉劑白水二鍾煎至八分去滓溫服此乃治實症小
而痛甚者宜服治虛症大而痛緩者減去防風連翹牛
蒡子以四物治之加熟地黃當歸身各八分煎服

漏睛

按此症由骨頭結聚生瘻流出膿汁或如涎水粘
睛上下不痛仍無翳膜此因心氣不寧乃小腸邪
熱逆行之故并風熱停留於眼中膿水或出於
瘻口或在大小眇孔竅出者多流出不止是也

歌曰

原因風熱眼中停凝，若如膿似淚，傾擊毒除，風無痰病，黃連膏子點雙睛。

大眚漏症

大眚漏兮其火毒時流血水，脹而疼，初起未損，終須損腎，要盈兮心要清。

此症大眚之間生一漏，時流血而色紫，其病在心部火之實毒，故要補腎以瀉心也，宜服

燥濕湯

川黃連炒一錢 蒼朮泔水製 白朮土炒 陳皮名八分 白茯苓

半夏

枳殼

梔仁

炒黑各七分

細甘草

三切

右剉劑白水二鍾煎至八分去滓熱服。

五花丸

治漏睛膿出自停風熱在胞中結聚膿汁和泪相雜常流涎水久而不治至烏珠墜落

金沸草 二兩

砂仁 炒

川椒皮 各七錢

甘草 炙四錢

白菊花

黃蘗 酒製

枸杞子 各兩半

巴戟 八錢

右爲細末煉蜜爲丸如桐子大每服二十丸空心或鹽湯或溫酒送下

小背漏症

相火經行小背傷不時流血脹難當休教血少神膏損致使終身不見光

此症小背之間生一漏時流血水其色鮮紅是病由心絡而來。下焦火橫行之疾當於腎中補而抑之宜服

瀉濕湯

車前子

黃芩

木通

陳皮

各一錢

淡竹葉

二十片

茯苓

枳殼

梔仁

煨

荆芥穗

蒼朮

各八分

甘草

右剉剉白木二鍾煎至八分去滓熱服

白薇丸

白薇

防風

白蒺藜

片去刺

羌活

各三錢

右爲細末米粉糊爲丸如桐子大每服二十九滾湯下

益陰腎氣丸

見二卷加羌活防風以補腎不足

陰漏症

陰漏黃昏流濁水或然腥臭色青黑幽陰隱處升陽火治用清溫是法則

此症不論何部生漏。但漏從黃昏時起。兩目疼痛脹滿。流青黑水。至日間病則稍可。非若他症之長流。乃幽陰中有伏隱之火。隨陰氣而升。故夜間陰分則病重。法當以溫劑治之。宜服

黃芪湯

黃芪

麥門冬

去心

白朮

防風

人參

地骨皮

漏蘆

知母

遠智

去心

熟地黃

各等分

右剉劑白水二鍾煎至八分去滓熱服

陽漏症

陽漏陽升黃赤流。水腥目脹痛堪憂也。知邪火爲災害。治用清涼。非外求。

此症不論何部分生漏。但日間流水。色黃赤者。非若他症。漏液長流。病在陽部。隨其氣而來。治當補正氣。而清涼其燥熱。以上二症。專言其有時而發。有時而止。若長時間流者。各有正名。彼此不同。宜服。

保光散

龍膽草酒炒 白芷 白芍藥 防風 牛蒡子研 黃芩

山芘仁炒 川芎 生地黄 大黃炒 當歸身

羌活 荆芥穗 甘草各等分

右爲細末每服四錢白水煎食後服或剉劑煎服亦可
補漏生肌散以上諸症皆可治之。

枯礬

輕粉

血竭

乳香各等分

右共研極細膩對漏處吹點外川監花明礬煎水洗
小牛黃丸治一切眼漏及諸惡毒瘡等漏皆可治之大有神效。

牛黃

珍珠

硃砂

母丁香

乳香

沒藥去油

沉香

明雄黃要透明

人參

琥珀

麝香要真

滴乳石

白芷

歸尾

錢半

右各製爲細末。老米飯爲丸。如粟米大。每服一分。空心并臨睡各一服。用淡淡土茯苓湯送下。

此丸以牛黃、硃砂、雄黃解其毒。以珍珠、琥珀、滴乳生其肌。以乳香、沒藥解毒生肌。兼之止痛。以麝香、沉香、丁香通竅。更引諸藥入於毒所。血凝氣滯。始結成毒。故以當歸尾消其血之凝。白芷稍散其氣之滯。又以人參扶其正氣。所謂正人進而邪人退矣。如此爲治厥疾。寧有弗瘳者哉。

痢病

按脾胃喜燥惡濕。若內多濕熱。外傷風邪。津液耗竭。營血枯乾。或內急外弛。以致生諸病。陽虛則爲飢。是等症。陰虛則爲散。大等症。大要濕熱所侵。者以和解爲要。陰陽偏勝者。滋榮調衛爲先。

倒睫拳毛症

倒睫拳毛症皆緣酒色因風霜俱不避弦繫外皮鬆致令毛倒入漫翳漸侵瞳既成難用藥夾敷略安寧調理如少缺必定失光明

此症皆由目病妄稱火眼不以爲事或酒或慾或風霜勞苦全不禁忌致受風邪皮鬆弦緊毛漸倒睫未免淚出頻頻拭擦不已便白羞明故毛漸侵睛掃成雲翳以藥治最難不得已用法夾之如夾定以敷藥爲主俟夾將落卽敷其痕可保不然依然復舊其功廢矣宜服敷

石膏羌活散

治久痛患目不觀光明遠年近日內外翳障風熱上攻昏暗拳毛倒睫之症。

蒼朮

米泔浸妙

羌活

密蒙花

白芷

石膏

煨

牛蒡子

木賊

藟本

黃連

酒製

細辛

家菊花

荆芥

川芎

甘草

各等分

右爲細末每服二錢食後臨睡蜜湯或清茶調服。

流氣飲

治兩目怕日羞明。淚目。癢。難開。睛赤。疼痛。或生翳障。眼皮緊急。以致倒睫。拳毛。眼弦赤爛等症。

荆芥

山梔

牛蒡子

蔓荊子

細辛

防風

白蒺藜

木賊草

玄參

人參

真川芎

各等分

右剉劑白水二鍾煎至八分去滓食後服。

緊皮膏

石燕

一對

石榴皮

五倍子

各三錢

黃連

明礬

各一錢

刮銅綠五分 真阿膠 魚膠 龜膠各三錢

以上除膠六味共爲末用水三五碗入大銅杓內文火煎熬以槐柳枝不住手攪爲糊入膠成膏方入冰麝各三分研細攪勻用磁器內收貯將新筆塗上下眼皮每日塗三五次乾而復塗毛自出矣涼天可行此法三日見効輕者三十日全出重者五十日向外矣。

五灰膏

蕎麥

燒灰一升

石灰風化者

青桑柴

燒灰一升各淋水一

爲末 白朮

升淋水三錢

白明礬

一兩般烟盡

右共研一處水十碗熬末至一碗方入風化石灰攪勻

用新筆掃眼弦睫上散欠毛即落勿入眼內。

起睫膏

木鱉子去殼 一錢

自然銅製五分

右搗爛為條子。噉鼻又以石燕末八片腦少許研水調

敷眼

東垣云眼生倒睫拳毛而兩目緊急皮縮之所致也。蓋內伏熱攻陰氣外行當去其內熱并火邪。眼皮發則眼毛立出翳膜立退用手攀出內臉向外連以三稜鍼出熱血以左手指甲迎右鍼鋒立命山居方云。眼毛倒睫去拳毛用風子血點數次即愈。

按倒睫之症係腫肺肝絡凝滯不能相生以致眼皮寬縱使毛內刺令日不爽病自者未有末露類措拭。屢治未得除根不得已必用夾治毛向外生方安然。今人豈無色慾勞動調攝失宜等情眼肉必生翳障。

乘筋紅筋眼弦上下赤爛羞澁淚淚等症依次點服
施治再無不愈者也。

夾眼法

須用脫薄筆管竹破開做夾寸許將膏歸汁沒一
週時候再用活龜一箇去肉取皮裝竹夾上懸掛。

令其陰乾以香油潤之夾眼則靈易好夾夾時翻轉
上眼看過倘有瘀滯即導平血盡方可行夾然夾不
可過大只在重弦仔細看定睫毛毫無倒入者方着
力扯緊其夾外之肉用小艾圖灸三壯不可多灸恐
遺候乾夾脫下用光粉調香油
逐早捺抹痕處久則肉色如舊

皮急緊小症

皮急緊小膏血損了筋脈不舒視瞻亦渺

此症謂目皮緊急縮小之患若不曾治而漸自縮小者
乃膏血津液澀耗筋脈縮急之故若治漸而小者誤治
之故患者多因皮寬倒睫或只夾外皮失於內治則旋

復復倒復夾遂致精液損而脈不舒皮肉壞而血不足。目故急小有不當割而頻數開導又不能滋其內以致液耗而急小者。凡因治而損者若不乘時滋補則脈絡氣滯雖治不復愈宜服

神効黃芪湯

治兩目緊急縮小。羞明畏日。或癢澀難開。或視物無力。睛痛昏花。手不得近。或目少睛光。

或目中熱如火。服五六次神効。

蔓荊子八分黃芪一錢

人參

甘草

白芍藥

各一錢

陳皮

五分

右剉劑。白水二鍾煎至八分。去滓再煎。臨睡溫服。如小便淋澀。加澤瀉五分。加有大熱症。加黃蘗七分。酒炒。如次。如麻木不仁。雖有熱。不用黃蘗。再加黃芪五分。如

緊小去芍藥忌酒醋濕麵醬料葱蒜韭及食生冷硬物

東垣撥雲湯

戊申六月徐總管患眼疾於上眼皮下出黑

手寸脈細緊按之洪大無力知足太陽膀胱爲命門

相火煎熬逆行作疔承翳及寒膜遮睛與撥雲湯一

服神効外症河欠善悲健忘贊墮時自泪下而

赤而自能食不便小便短數而少氣上而喘

黃芪

審炙 柴胡各七分 細辛葉 乾葛根 川芎各五分

藁本

當歸身 荆芥穗 知母 升麻各一錢

甘草稍三分

川羌活 黃蘗鹽水炒 防風各一錢五分

右剉劑白水二鍾生薑三片煎至八分去滓再煎食後

溫服

皮棚粘臉症

皮翻粘臉血瘀脾經皮翻皮繃風熱所乘有自病翻轉有攀翻而成若不調治變症乘

此症目皮反轉帖在外臉之上如舌舐唇之狀乃氣滯血湧於內皮急牽吊於外故不能復轉有自病壅翻而轉有因翳胞看病風熱搏滯不能復返而轉大抵多風濕之滯故風疾人患者多治亦難愈非風者則易治用剗割之法導之宜服

排風散

桔梗

明天麻

防風

五味子

焙乾

全蠍

焙乾

烏風蛇

焙乾

細辛

赤芍藥

焙乾

右爲細末每服錢半食遠米飲調下

龍膽丸

治兩胞枯膽眼
皮赤爛成翳疾。

苦參

龍膽草

牛蒡子

右爲細末煉蜜爲丸如桐子大每服二十九食後米飲送下

胞輪振跳症

胞輪振跳豈是純風氣不和順血亦欠隆牽拽振驚心不覺要知平病覓良工。

此症謂目胞不待人之開合而自率拽振跳也乃氣分之病屬肝脾二經絡之患人皆呼爲風殊不知血虛而

目不和順非純風也。若赤爛及頭風病者，方是邪風之故。久而不治為牽吊，甚則為敗壞之病也，宜服當歸活血飲。

蒼木

參

當歸身

川芎

蘇薄荷

黃芪

熟地黃

防風

川羌活

甘草

減半

白芍藥

各等分

右剉劑，白水二鍾煎至八分，去滓食後服。

驅風散熱飲子

見三卷

胞虛如毳症

兩胞浮泛其狀如毳，微有濕熱，重則淚流，非于赤腫，清淨是求。

此症謂目胞浮腫如毬而虛起也。目上無別病久則始有赤絲亂脈之患。火甚眼皮或紅。目不痛。濕癢與火夾搏者。則有淚有赤爛之疾。乃火在氣分之虛症。不可誤認爲腫脹如極血分之實病。以兩手掌擦熱拭之。少頃復如故。可見其爲不足。而虛火壅於氣也。宜服洗調脾清毒飲。

天花粉 連翹 荆芥穗 甘草 黍粘子 桔梗

白茯苓 白朮 蘇薄荷 防風 廣陳皮

各等分

右剉劑。白水二鍾煎至八分。去滓食前溫服。

廣大聖明湯

見三卷

妊娠

按胎前產後。多因氣血失和。以致榮火上攻。陰陽
澀滯。或風邪乘虛。邪火侵淫。七情抑鬱。六氣引邪。
不必拘泥。其翳膜紅痛。胎前准用安胎清火。產後
惟用養榮散。鬱二症。須分有餘。不尼在氣。分者宜
調之。散之。在血分者宜
補之。行之。自無變症。去

兼胎症

婦人有孕。號兼胎。都是三陽壅塞。求只是有餘。無不足。要
分血氣兩家災。

此症專言婦人有孕而目病也。其病多有餘。要分在血
在氣分之不同。在氣分則有如旋螺泛起。瞳神散大等
症。在血分則有如瘀血凝脂等症。蓋其否隔陰陽。澀滯
與常人病眼不同。為病每多危急。人不知慮。屢見臨重。

而措手不及內伐又恐傷胎洩氣不伐又不中病事在兩難善用內護外劫之治則百發百中矣如治胎前目病不妨疎利但避硝黃等峻藥破血及泄小腸之劑勿用。經云有故無損亦無損也。或以參朮歸芍固胎之藥監製之佐使之則無碍矣。宜服。

保胎清火湯

黃芩

一分錢

砂仁

荆芥穗

當歸身

白芍

連翹

生地黃

廣陳皮

各一分

川芎

八分

甘草

三分

右剉劑。白水二鍾煎至八分。去滓。食後溫服。

簡易知母飲

治雄振心脾壅熱目赤
咽痛口苦煩悶多驚

赤茯苓

黃芩

麥冬肉

知母

桑白皮

黃芪

細甘草各等分

右剉劑。白水二鍾煎熟去滓。再入竹瀝一小鍾碗內沖服。

天門冬飲子

治菹熱。忽然兩目失明。內熱煩燥。一應熱症。

羌活

白茯苓

人參各八分

天門冬去心

知母

鹽水製

羌蔚子

各錢二分防風

五味子各五分

右剉劑。白水二鍾煎至八分去滓。熱服。

芎蘇散

治孕婦外感風寒。渾身壯熱。眼花頭昏。如旋。益因風寒。尅於脾胃。傷於榮衛。或露昔當。祇以涼。致令

眼疼。頭痛。增寒。發熱。甚至心胸。所係。不可輕易妄投。揚劑。感冒。邪氣。其病自愈。

前二命蘇表共

紫蘇

川芎

麥冬肉

去心 陳皮

乾薑

沙黑

白芍藥

各一兩

甘草

五錢

右爲末。每服五錢。姜三片。葱頭三段。水煎溫服。

消風散

治孕婦頭旋目昏。視物不見。頭項腫核。蓋因胎氣有傷。邪熱上攻。太陽頭痛。嘔吐。背項拘急。致令眼昏。生花。若加痰壅。危在片刻。急宜服之。

在片刻。急宜服之。

石膏

防風

甘菊花

羌活

川芎

荆芥

羚羊角

當歸

白芷

甘草

大豆黃卷

各等分

右爲細末。每服三錢。細茶調。食後服。

天冬飲子

產孕婦將臨月。兩目忽然不明。燈火不見。頭痛目昏。頭項腫滿。不能轉頭。此症爲懷孕多居煖

間。或烘火過熱。衣被卧褥伏熱。在內或服補藥。及熱物太過。肝臟壅極。致令胎熱。

天門冬 知母 羌蔚子 防風 遼五味 茯苓
熟地黃 羌活 荆芥穗 川芎 白芍藥 當歸
右等分剉劑。生姜三片。白水二鍾煎食後服。

爲產症

爲產血不足。肝虛多損目。莫勞瞻。莫悲哭。流泪昏沉。內不
睦。竅虛引入風邪。來爛濕赤垢。久成篤。或食燥膩五辛。多
或有濕痰與勞碌。幾般能致外生。災早治免。教多反覆。

此症專言爲產後而目病也。蓋產則百脉皆動。氣血俱
傷。大虛血不足。故邪得以易乘。肝部發生之氣甚弱。血
少而膽失滋養。精汁少。則目中精膏氣液皆失化源。所

以目病者多然輕重內外不同有勞瞻竭思悲傷哭泣
所爲無時冷熱淚流內障昏渺等症有竅不密引風
邪爲濕爛頭風者有因虛濕熱滯氣歸腦而爲內障諸
病者有因虛勞碌及恣辛嗜熱患熱病而傷目血爲外
障者皆內不足所致若知愛護者疾微而不變不知愛
養反縱斷喪則變症不一大抵產後病宜早治莫待其
久久則氣血定而病深入治亦不易其外症之顯而易
知者人皆知害而早治其內症之害隱微而人不知慮
屢遭其患而悔亦遲矣若治產後無有餘之血須護肝
氣不可輕用伐肝之劑當以四物湯養血之劑爲主藥

也服

熟地黃湯

治產後婦人眼昏頭暈
虛渴口乾氣少脈弱

熟地黃

酒洗 乾五錢

糯米 一握

人參 一錢

麥門冬

去心 二錢五分

甘草 五分

花粉 二錢

右剉劑水二鍾薑一片棗二枚去核煎至八分去滓溫服

服

四物補肝散

治婦人產後午後
至夜昏花不明

熟地黃

焙乾 二兩

香附子

酒製

川芎

白芍

酒洗

當歸身

酒洗 炒

夏枯草

各八錢

甘草

四錢

右共為細末每服二三錢食後滾白湯送下

右方以熟地黄補血當歸養血爲君夏枯草入厥陰兼
養血脈爲臣甘草益元氣補脾胃白芍補脾和血爲佐
川芎助清陽之氣上升香附埋血氣散鬱爲使耳

四製香附丸

治婦人產後崩漏血過多
致時珠疼痛經水不調等症

香附子

掃去皮毛淨于八兩分作四
分酒醋童便鹽水煎晒炒

黃蘗

酒炒熟地黃各

兩酒水煮

澤蘭葉

淨川芎

酒洗

白芍藥

酒洗當歸兩半

益母草

四兩勿
犯銅器

除地黄膏另八條共爲細末鋪地一宿去其火性煉蜜
爲丸如梧桐子大每服二三錢空心滾白湯送下或食
遠亦可

右方以四製香附為君益血氣之藥也熟地川芎當歸
白朮為臣補血養血和血之藥也黃蘗為佐補腎滋陰
之藥也澤蘭葉益母草為使療產後百病行血逐積血

生新血之藥也

痘疹

痘疹害服多因胎毒或前或後積熱甚深或餘毒
攻伐自感達外致成星翳膜障宜分虛實但以活
血解毒而已活而不致於熱解毒而不致於涼依醫
後治之雖有目翳切不可用點藥只宜活血解毒
俟五臟平和時當自去若候熱藥則非徒無益而
反害之即服丸散須小劑調服如眼無光過百日
後血氣完復則目自明矣海藏云東垣先生治痘
後風熱毒翳膜氣障遮睛以瀉青丸治之大効初
發易治保命集云非痘後翳膜亦
能治之瀉青丸城大黃二半劑之

瀉青清和症

濁管清和重經非一或病於前或病於末有久閉而不開
有腫痛而赤爛有積熱而內症昏矇或乘虛而中風洎濕
有陰邪結星而爲翳有陽邪燥膏而成疾當因症而詳源
毋偏泥而拘執。

此症專指痘疹以致回疾之謂夫痘疹爲毒最重自稟
受以來蘊積惡毒深久之故若痘疹發則諸經百脈清
純太和之氣皆被攪擾正氣大虛則邪乘虛而入各因
其犯而爲病自竅于肝胆肝胆乃清淨之府邪正理不
並立今受濁邪薰灼失發生長養之源故病亦易侵皆
由于人不能救而且害之之故也或於病中食物發之

太過懷藏太煖悞投熱藥多食甘酸而致病者或於病後之虛弱未復恣食辛辣燥膩竭視勞瞻衣烘火冲胃風沙烟障而致病者有爲昏朦流泪成內障者有爲赤爛星障成外症者有餘邪蘊積蒸燥肝胆熱鬱之極清氣受傷延及瞳神而成凝脂黃膜花翳蟹睛等症之重而目翳凸者有餘邪流爲赤絲羞明微星薄翳等症之輕而病自消者輕重深淺各隨入之所受所患亦不一業斯道者宜慎思明辨以免不用刃而殺人取罪冥冥禍延子孫之報當細驗其症審其經而投治之不可執泥藥治恐有激變之禍益痘疹之後正氣虛而血脈

傷邪得易乘，非常人可比。大凡痘症，目疾惟瞳神未損，亦有可治之理。但宜蚤治，則易退而無變亂之患。遲則氣血凝定，雖無變亂，其退亦甚遲矣。宜服

穀精草湯

穀精草六分 白芍 荆芥穗 玄參 牛蒡子 連翹

草決明 菊花 龍膽草各五分 桔梗三分

右剉劑，白水二鍾，燈心十段，煎至六分，去滓，不拘時服。

退翳散 治內外翳障，或瘡疹後餘毒不散。

真蛤粉 另研 穀精草 生研爲末，各一兩

右研勻，每服二錢，用猪肝三指大一片批開，搽藥在上。

捲定再用麻線扎之。濃米泔水一碗煮肝熟爲度。取出放冷。食後臨睡細嚼。却荆原汁送下。忌一切毒物。如齋用白柿同煎。令乾去藥食柿。

孫盈重云。凡痘瘡不可食鷄鴨子。必生翳膜。錢季華之女。年數歲。痘瘡後。翳膜生翳。只服此藥。各退白膜。三退。腫子方癒。然也。

望月丸 治痘八眼。致生翳膜。

望月砂 四兩 石決明 兩 防風 白芍

穀精草 草決明 木賊 各一兩 當歸 五錢

右共爲細末。煉蜜爲丸。小兒量其大小。或用一錢或五分。一丸荆芥湯化下。

疎風湯

治痘後患眼其味不紅眼皮滋生一小顆蟻日有膿俗謂狗鼻發後又發甚至眼毛上發一白泡者

荆芥穗

蟬退

桔梗

歸尾

甘草梢

各五分

防風

白芷

各四分

石膏

煨一錢二分

白芍藥

七分

茯苓

連翹

六分

蒼木

泔水製各六分

共爲劑葱白一段大米一撮白水二鍾煎至七分去滓

食後熱服。

通竅散

治痘後眼生星翳。

辰砂

三錢

珍珠

琥珀

各二錢

麝香

一錢

瑪瑙

一錢五分

冰片

五分

右研如細粉若翳在右目吹左耳翳在左目吹右耳若

兩目有翳卽吹兩耳蓋以吹耳能通心肺二竅之故也

胎兔丸

治小兒痘後餘毒或攻一目或兩目黑珠凸出翳膜瞞睛紅赤腫痛股淚交作服此使効之功甚著

胎兔

去毛洗淨用陰陽瓦焙乾爲末每用一兩一錢

蔓荊子

去膜晒乾爲末

菊花

去梗葉晒乾爲末各加一兩

右末共爲一處煉真川蜜爲丸量孩童大小不拘錢分

俱白滾湯化下

愚按兔禮記謂之明眎言其目不瞬而瞭然也兔得金氣之全性寒而解胎中熱毒能瀉肝熱蓋肝開竅於目熱甚則昏矇生翳熱極則珠脹突出今痘後生翳睛珠凸出者皆胎毒盛極之所致也方用胎兔爲君者卽二

獸之精血所成可以解胎毒也草木之性難以取效故
借血氣之屬耳臣以蔓荊微寒取其能涼諸經之血且
能搜治肝風及太陽頭疼目痛目赤淚出利九竅而明
目性又輕浮上行而散更佐之以菊花者取菊得金水
之精英補益金水二臟也夫補水可以制火益金可以
平木木平則風自息火降則熱自除其藥雖簡用意最
深用治痘後目疾安有不愈者乎

此方乃廣陵甘棠鎮王海明子痘後睛珠突出偶一
醫見之告曰此日有一藥可治但不知能得否詢之
乃兜胎也其父遍覓得之按方製藥
成服之果愈推幼幼之心故廣其傳

凡痘疹皆目皆言小兒受胎毒感風寒而發痘疹痘發

則正氣虛邪氣乘虛而入調理失宜則目爲害邪氣入于肝胆二經兼真元未復故發目疾蓋目竅于肝專仗腎水經云目得血而能視肝藏血邪熱胎毒蒸灼肝經肝屬木木少水養而灼損膽汁益腎屬肝之母肝無腎滋故膽汁涸以致障生神光不清水不能滋其子也經云不能遠視者責其有火是也日漸深者嗜慾日開食物過辛真元日不足耳治法宜先清解肝經積熱之毒次補真元水升而火自降火降而邪氣自除目自明矣

清解散 早服

穀精草一兩 石決明煨八錢 白菊花去蒂酒洗七錢 菝葜六錢

其爲細末每服二錢用大陳柿餅一箇去蒂核米泔水
鍾半煎半乾空心食柿餅原汁湯並服

補元散 晚服

夜明砂

淘淨一兩爲末

真蛤粉

五錢爲末

右共研爲細末每服二錢用公猪肝一大片將肝披開
搽藥在內米泔水煮熟任意食之以原汁湯嚥下每日
早晚服過一七再服

加味地黃丸

懷生地

竹刀切片酒洗焙乾四兩

山萸肉

酒洗焙

山藥

白茯苓

各二兩澤瀉

牡丹皮

各兩

菊花

去梗

麥冬肉

焙乾

當歸

焙各一兩

五味子

五錢

右共爲細末。煉蜜爲丸。空心淡鹽湯化下。量小兒大。爲丸如少年。火旺加黃柏知母各五錢。俱用鹽水製。目生翳。服前藥不退。可用點藥。

退雲散

紅珊瑚

珍珠

辰砂

硼砂

各等分

俱生用。共研極細無聲。每日點二次。

按痘後餘毒。則必見雲翳遮睛外障等症者多。如兩目清白。外無翳障。止艱於視者。乃稟受天真虛弱。肝腎二經不足。故神光淡白色。瞳神或開大。不必用點丹。

服退翳等藥。但服固本之劑。則精生氣。氣生神。非獨益於目。更綿綿延壽算矣。

固本犀角湯

即六味地黃湯加犀角也。治肝腎虛而有熱。喜目者。

共六味。剉爲一劑。白水二鍾。煎至七分。去滓淨。再煎。滾先將犀角生末入在碗內。後入滾藥于角末內。攪勻。溫調服。

疳傷

疳症皆因飲食失節。飢飽失調。以致腹大而黃。重則傷命。輕則害目。患此勿治其目。竟治其疳。目病自愈。切忌油。

麵灸。燻等物。

按小兒疳眼。無論肥瘦。但見白珠。先帶黃兼白色。睡起後微紅。生膜。怕亮不睜。上下眼胞。頻頻劬動。不定。黑珠上有白膜。圍如此樣。團堆起。白暈。暈內一黑。一白。亦有肥瘦不同。疳眼無疑也。但肥疳大便如豆。

腐瀉相似瘦疔大便小如栗硬結燥乃疔積入
眼攻傷肝經亦難治矣小兒患疔眼聲啞命將終

疔眼傷脚濕熱薰木盛土衰風毒生渴瀉肚大青筋露目
剝澀癢且羞明時時揉鼻常擗髮濕熱生蟲莫看輕急宜
先服消疔散瞬息延緩成突睛蘆薈九子依序治肝平脚
健保瞳神

消疔退雲飲

陳皮厚朴 姜汁炒 蒼米米泔 萊菔子炒研碎 柴胡

甘草許 枳殼炒 草決明炒研碎 桔梗 青皮 黃連酒炒

蜜蒙花 梔子炒 黃芩酒炒 神麩炒 家菊花各等分

共剉剉薑皮燈心爲引水二鍾煎服滓再煎

雞肺散

治疔疾眼生白膜自然潛消其効如神

雄雞一隻

一斤三四兩者取其背脊血一塊即名雞肺將肺同後藥共研爛

辰砂三分

研細

水片

三厘研細

三共研細如膏用無灰酒炖滾攪勻食之即愈

九味蘆薈丸

治解毒成疔肝經積熱眼自生翳齒蝕一或小便出津切中結核或大或肝脾疔熱結核耳內生瘡出水便不調肢體消瘦癢症藉効

蘆薈

木香

胡黃連

宜黃連

青皮

鶴虱

白雷丸

白蕪荑

炒各一兩麝香三錢揀去皮毛另研細入末爲丸

共爲細末神麪糊爲丸麻子大每服五分空心米湯送

下量其病者大小用之忌一切生冷油麵炙煇等物

生熟地黃丸

治肝疝。腹脹白。麩。進。睛。緊。閉。不。開。羞。明。怕。日。合。而。而。肉。色。青。黃。矣。整。筋。青。壯。熱。一。瘦。皆。効。

生地黄

熟地黄各五錢

川芎

杏仁

炮去皮尖

赤茯苓

胡黃連

微炒

半夏

製地

天麻

地骨皮

當歸身

枳殼

炒

甘草

各二錢半

大黑豆

四十五粒。煮。熟。去。皮。再。煮。爛。同。汁。搗。膏。和。前。藥。末。後。加。煉。蜜。

右為細末煉蜜為丸如龍眼大空心滾湯化下

鷄肝散

治小兒疳。腹。不。赤。不。腫。不。疼。但。開。畏。明。此。藥。治。之。

刈烏

大者一枚。去。皮。生。用。

好坯子

一字

右為細末五歲一錢雄雞肝一具淨洗去筋膜竹刀薄切開搽藥在內箬葉包裹麻皮扎定用米泔水半盞磁器中煮熟切作片空心臨卧令食之將煮肝湯送下如

腦熱患目鼻中乾燥吹通頂散

龍膽黃膏丸

治三焦及肝膽二經積染風熱以致目土翳

肥體減瘦

或結瘰癧耳內生瘡發寒作痛或虛火內燒

口內有瘡牙眼爛或牙齒蝕落腮頰爛下部生瘡等病

蘆薈

胡黃連

龍膽草

一州芍

燕薁

白芍藥

各一兩半

木香

八錢

甘草

炙五錢

右爲細末煉蜜爲丸每兩勻作十丸量其大小而服用

白滾湯化下

是方以白芍藥和血補脾精當歸養血脈爲君蘆薈去疔清熱胡黃連療甘蒸勞熱爲臣龍膽草治諸目疾蕪蕪殺疔虫逐五內滯氣川芍提清氣上升爲佐木香調

氣甘草和諸藥爲使

消疔散

治疔積眼疾翳膜遮睛

史君子

用白者去油

雷丸

去皮用色白者紅者不可用以米泔水浸蒼木少許將雷丸全蒼木

用火溫之用雷丸去蒼木炒乾各等分研爲細末

每一歲用一分男用雌女用雄鷄肝勿犯鐵器炆去筋

膜血水炖半熟蘸藥食重不過三四服見效若翳厚加

木賊燒灰雄黃珍珠各一錢

另研極細末人前藥服

天麻丸

治肝疔風疔諸眼

青黛

天麻

夜明砂

微炒

五靈脂

川芎

蘆薈

川黃連

炒各三錢

龍膽草

蟬退

去頭退

防風

各一錢半

蓮肉全二枚全蝎二枚麝香少許

右爲細末猪膽汁浸糕成丸如麻子大每服十九薄荷湯送下或化下亦可

寶鑑灸雀目疳服法

小兒雀目夜不見物灸手大拇指甲後一寸內廉橫紋頭白肉際灸一炷如小麥大。

小兒疳眼灸合谷二穴各一壯灶如小麥大在手大指次指兩骨間陷中者是

升麻乾葛湯治暴發兩目紅腫疼痛寒熱相爭河間

升麻 桔梗各五分羌活 川芎 防風各一錢 乾葛五分

麻黃 白芷各三分 蟬退比價 陳皮 甘草各四分

右剉劑生薑一片葱白一畷白水二鍾煎至一鍾去滓

食後熱服取汗為度。

車前子散 治小兒肝經積熱上攻眼中逆。順生翳。漉腫神羞明多眵。

蜜蒙花 羌活 車前子炒 粉草炒 白蒺藜 黃芩炒

草決明 菊花 龍膽草洗淨炒

右為末每服二錢白飯湯送下。

養肝丸 治小兒肝血不足眼目昏花或生眵泪久視無丸。

防風 青歸身酒製 白芍藥酒洗 川芎酒洗 楮實子去膜

車前子酒者 熟地酒蒸 葵仁去殼皮尖油

除熟地膏蕤霜另入餘爲細末煉蜜爲丸或一錢或五分一丸量嬰孩大小每服一丸滾白湯不拘時服若治大人仍作小丸每服三錢滾湯送下

通頂散

治小兒腦熱，頭枕骨疼，閉目不開，或頭風，痛，眉，啼哭，并赤目。

川芎

薄荷 各五錢

茵陳

甘草 各四錢

朴硝

三錢 亂

右爲細末用少許吹鼻中卽効如要嚏噴加躑躅花一錢只用朴硝吹鼻亦可。

驚搐

子和曰：諸風掉眩皆屬肝木，掉搖眩運目嚼筋急，手搐痰厥皆厥陰肝木之病也。經曰：風搖所勝平。

以辛涼世何以熱藥治風邪乎。

轉關症

轉轉關人所罕聞。瞳睛勿正。那肯中存。上垂下隊。或傾
或頻。氣所使動。人所不能。筋脉振惕。緊急難伸。急宜下
免致傷深。

此症謂病且六氣不和。或因風邪所擊。腦筋如拽神珠
不待人轉而自轉。然察上驚然察下。下之不能上。上之
不能下。或左或右。條易無時。蓋轉動搏擊不定。筋脉振
惕。緩急無常。被其牽拽而爲害。輕則氣定。展偏而珠歪。
如神珠將反之狀。甚則翻轉而爲瞳神反背矣。宜服

鈎藤飲子

治卒然驚背
眼目翻騰

鈎藤

炙五分

麻黃

去節

甘草

炙各三分

天麻

川芎

防風

人參名七

全蝎

炒去毒 一錢 僵蚕 炒一錢 二分

右剉劑白水二鍾薑三片煎至八分不拘時服

雙目睛通症

雙目睛通。庸醫罕識。此幼時所傷。非壯年所得。欲看東而反顧其西。彼有出而反顧其入。爲腦筋帶轉。幼因風熱所逼。患卽醫之。庶無終失。至長求醫徒勞心力。

此症謂幼時目珠偏邪而視亦不正。至長不能愈矣。患非一端。有脆嫩之時。目病風熱。攻損腦筋。急縮者。有因驚風天吊。帶轉筋絡。失於散治。風熱遂致凝結。經絡而定者。有因小兒眠於漏下亮處。側視既久。遂致筋脈滯

定而偏者凡有此症宜乘其日近血氣未定治之若

至久筋絡氣血已定不復愈矣宜服

牛黃丸

治小兒通睛昔因失誤築打胸首頭面額角兼四
持令兒辨受驚風遂使兩目間睛名曰通睛宜服

身黃

珍珠

天竺黃

琥珀

青黛

殭蚕

各等分

白附子

炮

地龍

各等分

麝香

許少

金箔

量加為衣

蘇合油

香油

以上前九味各另研極細共為一處用甘草一兩水一
碗煎汁減半八蘇香二油各少許一處拌勻和為丸金
箔為衣其大小薄荷湯化下乳母及小兒忌一切酒
麪猪肉辛辣生痰等物。

小兒目閉不開，睛目直視，目仰視，目睛動，目劄，諸症驗方。

目閉不開，足太陽經爲目上綱，足陽明之經爲目下綱。

又小兒初生下，眼不開者，山連母過食辛熱等物，致成斯疾，治法當以熊膽少許，蒸水洗眼上。一日七次。如三日不開，用生地黃散服，凡小兒不洗淨，則破汁必致浸漬於目，背巾使眼赤爛，至長不癒。

人參湯 治風頭眩，但置地屋，俱轉目閉，不效開。

人參 麥門冬 末心 當歸 酒製 白朮 防風 各八分

白芍藥 獨活 黃芪 各一錢 官桂 去皮 七分

右剉劑，白水二鍾，煎至八分，去滓，食遠服。

生地黃散

乾地黃

赤芍藥

川芎

甘草

當歸身

天花粉

各等分

右爲細末量其大小燈心湯調搽入口內

翳目直視

集成直視者視物而日睛不轉動者是也若目睛正氣使神氣非直視也傷寒直視者邪氣壅盛

爲之直視傷寒至於直視爲邪氣已極證候已滿多難治經曰勳家不可發汗發汗額上陷脈急直視不能前不能服以川受血而能視亡血肝家氣已虛目氣已弱又發汗亡陽則陰陽俱虛所致此雖曰逆猶未甚也速狂言反目直視又爲腎絕直視搖頭又爲心絕皆腦腐氣脫絕也直視譫語喘滿者死厥逆者亦死又劇者發狂則不識人循衣摸床惕而不安微喘而視脈弦澀者死皆邪氣盛而正氣脫也○素問曰少陽終者其百節縱目眦絕系王註曰買謂直視如鸞鏡曰系絕故目不轉而直視

目直視

經曰。瞳子高者。太陽不足。戴眼者。太陽已絕。○太陽之脈其終也。戴眼。反折。瘕瘕。

瀉青丸

兼治小男肝臟實熱。手足攪亂。捨物。目直視。不語。按心熱。則搯身反折。強直。自內青。或瞖。唯氣泄。諸

藥不止。脾胃不虛。眼暴發。赤脈疼痛。並治。

龍膽草

當歸

川芎

羌活

山梔仁

防風

大黃

濕紙裹煨各等分

右共爲細末。煉蜜爲丸。如鷄頭子大。每服一九。煎竹葉湯化下。或沙糖湯化下。亦可。若治大人。每服二三錢量服。

肝主風。少陽膽則其腑也。少陽之經行乎兩脇。風熱相于。故不能安卧。此方名曰瀉青。瀉肝膽也。龍膽草味苦。

而厚。故入厥陰而瀉肝。少陽火實者，頭角必痛。故佐以川芎。少陽火鬱者，必生煩燥。故佐以梔子。肝者將軍之官。風淫火熾，勢不容以易治。故又用熟大黃，用歸身者，培養肝血，而不使其為風熱所燥也。復用川羌活防風者，二物皆升散之品。此火鬱發之木鬱達之之意。乃上下分消其風熱，皆所以瀉之也。

和太師牛黃丸

治大小男婦卒暴中風眩運倒仆精神昏迷不省人事牙關緊急目睛直視胸膈喉

中痰涎壅塞及諸癰潮發手足瘳癱口眼相引項背強直並治之。

石燕

火煎醋淬

雄黃

研飛

蛇黃

火煎醋淬

辰砂

研飛

磁石

火煎醋淬

石綠

研飛各

輕粉

細研

牛黃

細研

粉霜

細研各五錢

金箔

各一百張為衣

銀箔

各一百張為衣

以上前十味各另研極細共為一處用酒煮麵糊和丸如雞頭大每服一丸煎薄荷湯並酒磨下老人服半丸小兒十歲以下分為四服蜜水磨下四歲以下分為五服未滿一歲可分為七服如牙關緊急以物鞫開灌之

口仰視

小兒痰癢不定翻眼搥睛狀若神祟頭自仰高名為天鈞亦驚風之症宜服九龍控涎散。

碧霞丹

治大小男婦卒中急風眩運僂仆痰涎壅塞心神迷悶五種癩病涎潮搐搦牙關緊急服上視等症

石綠

火煨醋炒九遍研飛十兩

附子尖

去皮

烏頭尖

去皮

蝎稍

各七錢

右將三味為末入石綠令勻麵糊為丸如雞頭大每服

宜用薄荷汁牛蓋化下一丸更入酒少許溫暖服之須

呿吐涎痰然後隨證治之如牙關緊急解關灌立効
九龍控涎散

赤脚蜈蚣

一條去頭足尾酒塗炙

荆芥穗

炒

白礬

煨各一錢

滴乳石

另研

天竺黃

炙研各一錢

甘草

炙一錢半

肥綠豆

生半炒

雄黃

另研二錢

臘茶葉

二錢五分

右件共為細末每服五分量其大小用之人參薄荷湯

調下

目睛瞶動

目者肝膽風木之所歸相火所乘肝臟血直

直動搖風之象也宜用四物益其血加柴胡出極清其肝陰血內榮則虛風自息矣

目劄

按目劄者肝有風也風入於目上下左右如風吹不輕不重而不能任故目連劄也此恙有四兩月

連翹或色赤或時弄眉此胆經裏熱欲作肝疢也用
四味肥兒丸加龍膽草而瘥有官目眼翳服煮肝飲
兼四味肥兒丸而明目不翳也有發搐目翳屬肝膽
經風熱先用柴胡清肝散治兼六味地黃丸補其胃
而愈因受驚眼翳搐搦先用加味小柴胡湯加蕪荑
黃連以清肝熱兼六味地黃丸以滋腎生肝而瘥
四味肥兒丸始嘔吐不食腹脹成疳或作瀉不止或食積
怯遍身生瘡又治小使溲
白腹大青筋一切疳症。

黃連炒

蕪荑

神麩

麥牙炒各

等分

右爲細末水糊成丸如桐子大每服一二十九空心白

滾湯送下

柴胡清肝飲

治肝膽三焦風熱怒氣或疔寒乍熱往來寒熱發熱或頭發瘡毒等並治之

柴胡錢五分黃芩

人參

川芎

錢各一分

梔仁

炒

連翹

甘草

各五分

桔梗

八分


右剉劑白冰二鍾煎至八分去滓熱服。

割攀睛努肉手法

按努肉之症或大小皆同生出者乃活肉也若用點藥服藥不能退者必至侵遮黑睛恐礙瞳神須用割法施治爲妙或未侵及黑珠者亦無傷也只宜點服丸散緩以退之不可輕易鈎割慎之慎之

凡割之際先用明器不拘多少熱水沏化以新羊毛筆蘸攀水于努肉上其肉始能皺起然後易于下手先用鋒利之針穿入肉中上下露針挑起橫于上下眼胞擔


定方用劔刀從中劔至近黑珠邊微微輕浮搜撥切下。不可礙動黑珠要緊復又從針處搜撥白睛至大小眼皆盡處。或用刀割或用小花剪剪斷亦可。不可礙動大小青頭紅肉一塊。此乃眼竅通于心之精華也。若一出血則必傷之多。至成漏爲害非淺。如芤肉白者不烙無妨。如割芤肉有出血者用綿紙揉軟蘸水濕拭之卽止。



以針挑
起搜之

以針挑
起搜之

樣刀鈎割烙鍼



凡用割眼之日。須擇不犯屍神。方可施治。如犯者。恐即
害矣。努肉紅者。不烙。有變成雞冠。峴肉者。亦宜割之。割
後。要戒色慾。惱怒。冲風。日日辛苦。勞碌。靜養。三七日可
也。禁食魚腥。煎炒。酒麪。雞鵝。驢馬。豬頭。犬肉。葱蒜。薑芥。
胡椒。辛辣等物。割後。宜服清熱。活血。疏風。煎劑。十餘貼。
始效。